

归愚文鈔

一
函
八
册
函

歸愚文鈔卷二

長洲沈德潛礪士

震澤賦

天地既位岳瀆互雄千山律崩百川鴻溶氣勢奔
會神秀是鍾唯箕斗之野有臣浸焉繫匱吳而絡
越恒浴日而稽天稟咸池五車之氣五湖之名斯
著因多震難定之義震澤之名廼傳其發源於宣
歙也接餘杭長興諸山之水其宣泄於三江也分
流赴壑與滄海吐納而相連其襟帶三州也周五
百里其灌溉四隅也為頃三萬六千控清引濁有

天無岸潏潏洋洋漻漻泫泫齧垠駕空奔雷走電
盪骨合而精神生山水聚而靈竒見中有高峰羅
列第鬱盤紆東鴨西鴨南鳥北鳥大小石岬大小
謝姑浮分青白姓著陰余或傳置獄或號思夫取
象則為琴為箭為笠為杵錢堆偃仆石牌高豎有
龜有黿有貓有鼠相連則馬跡杜圻相對則金庭
玉柱其餘或隱或見或昂或俯哈呀辱豁蜿蟺翔
翥摠未若東西洞庭莫鰲縹緲為七十二峰之宗
主也且夫武夷羅浮水略見為滌洞九江彭蠡山
略表其崔巍蓋物不兩擅美有所歸而此則洞天

福地白波丹崖惟方壺員嶠蓬山瀛洲庶可等量
於埏埴者也其石則縞瘦嵌空吸噤嶙峋李蘇州
輦之遺友宋艮岳累而逢君其泉則鹿飲清冽紫
雲齋淪瓶沉無礙之底鑱劖玉樹之根其土產則
朱橘火齊枇杷金丸柑釀醇酎柚充大官黃橙質
香楊梅色殷他如含桃來禽楂梨香櫞皆連枝並
秀駢集於名園至其水族游泳羽族飛搏膾殘魴
魚野鳧馴雉之屬庖饌不足道其珍靈鼉潛蛟文
黿玄鶴之屬品類不足稱其尊變幻儵恍幽昧神
姦怪恠奇奇紛紜紜有伯益之經所遺又安能

毛舉而縷分也爰有奇士探幽名賢去國挂風蒲
逞飛鷁凌瀕洞控六極采長春捫絕壁然石鼎烹
吃摘吊周隱遙之遺蛻問麴信陵之舊跡想輕身
於毛公之壇問丹藥於葛洪之宅曰菱湖曰遊莫
曰胥貢五湖名水因地而異名曰金鼎曰皋里曰梅梁
地畫水以分域緬陰晴之殊態更晦明而遞易噓
翼女其怒號歛洪濤其衝激相見而噴薄者二雷
疑日月與俱汨也相峙而轉鬬者二貢恍沉巖而
礪石也奠上下以有常信清寧之罔忒也位坎窩
以自居住盈虛於消息也胡人事之不然或恃强

而忘德也陟禹期以會諸侯夫樹於以敗越積三
年而復父讐後荒淫而自伐梧宮秋兮鳳羽還櫟
廊空兮履聲滅惟湖水與山巖終古見魄魄而蕩
湔今遭遇夫

盛朝慶庶政之罔闕頌海晏與河清異洪流之方
割設版牘以周防時旱潦為蓄洩同底定於夏王
億萬斯年而稱烈系之以詞曰湖流湯湯兮趨南
東吞吐羣山兮涵碧空導源濬流兮纘禹功利吳
會兮與天地無終窮

吳宮賦

相傳茂苑東五十里有吳宮係甫里之鄉

吳淞江濱非館娃離宮也唐陸龜蒙有問

吳宮辭

緬昔三年報越兵勝夫榭會稽銳歛姑胥志驕地

連蜃海軍拂雲旄魚腸之劍三千光騰紫極水犀

之甲十萬勢遏銀潮赫爾富彊汰哉奢靡山貢南

金溪來西子葳艷而掩曲房肆筵而敞䟽綺志賤

細旃目營新址廼驅徒役走車牛填田澮平陵北

基築文石砌列錢溝桂棟蘭橈瓊軒玉樓散暖香

於十里風柔花醉挂寒星於半天月浸江流墻戒
高宇戒峻笑夏后之失算巧湏淫技須奇羨商孫
之善謀館娃遙指華林近矚繚白縈青眩心快目
影搖箔上簾卷清波人倚軒前牀鋪白玉錦帆高
挂檣連捧日之雲盡槩慢移人唱采蓮之曲欲恣
神爍氣張國盛謀同宰嚭忠臣之眼抉何辜成請
王孫君子之兵來何速氣秋梧黃地沼宮荒鹿未
遊於吳苑火已照於淞江菡萏之國仍在罌罍之
影云亡徒使披艸經世傷今惜古複道虹妝玉堦
苔鎖搖禾黍於西風購釵鈿於田父撫白鳥與愁

煙詰美人之黃土蓋繁華飛電身世流雲國何地
而無宮宮何代而常存諒璇室與瑤臺徒斂怨而
勞民孰如土堦與茆茨歷萬古而如新獨不見秦
阿房而隋迷樓同一炬而為塵

故宮瓦辟邪賦

臨頓里周氏物

臨頓舊里汝南故家出示瓦器翠色無瑕毛族猛
形鉤爪鋸牙髮垂頓卷目睽口呀比白澤之猙獰
類戲貍之騰拏考厥命名是為辟邪問所從來此
故宮之物而向淪陷於泥沙者也汝南公子曰子
其為我賦之余曰唯唯維明祖之定鼎於金陵也
天與人助虎嘯龍興剗削吳漢廓清燕京陰陽開
闔日月光明爰作宮室是經是營體象兩儀位列
三靈雲楣繡栊玉磧雕楹既岩崑而礧礧亦竊巍
而嶒岵由建元以迄十載更歲月而規模迺宏午

門以內兩觀翼翼殿曰奉天臨御八極華蓋謹身
宴見百職文華武英泣事燕息乾清坤寧君后寔
宮左順右順東西分掖其中文樓武樓端門承天
凡門千戶萬不能以殫悉也宮殿之上覆以黃瓦
翼以琉璃鎮以嘲風間以狻猊而辟邪之狀舐舐
斷斷瞪眙眙眙鵠鵠鵠不敢過魑魅魍魎不敢
窺其沐浴雨露而吞吐雲霞者洵足為八維九隅
之壯觀而永護乎帝王之畿夫何逐鷺高飛門啓
金川忠良刳屠瓜蔓株連輦材故封徙都幽燕陪
京之內宮室歸然詎炎精之既移偷半辟之苟延

君續後庭之音臣擘江令之箋神兵渡江宗祏俄
遷而故宮雙闕曲房邃室旋淪沒為平田火焚層
櫺水沉縹瓦誰問折壇何分廟社御溝蔓夫菰蔣
永巷樹乎松檟荆榛塞道路麋鼠竄原野而是尾
獸者城狐憎其非類野狔笑其為假行人過而歔
歔幾同於洛陽之銅駝與昭陵之石馬此野人得
之鬻於都市而公子以粟易之者也是物也可以
考卜宅作京之隆焉可以覘天祚明德之窮焉可
以驗淫酗肆虐之自覆其宗焉蓋目前之荒蕪斷
梗昔日之金鼈玉螭也目前之隱耀燐火昔日之

和會雨風也盖有德則昭無德則禪有德則控制
寓縣无德則遷徙鐘鏞彼神鼎沉於泗水銅仙辭
乎漢宮而况瓦獸之瞋目奮鬣者豈能長鎮惡於
九重則公子之所有者用以昭興亡之鑑而豈徒
為耳目娛翫之供也哉

幽居賦

嘗聞爭名者於朝爭利者於市以故長安道上軒
蓋紛馳五父塢邊車牛戾止僕也狀若槁柯心同
止水抱病未能將焉用此避跡菰蘆之港舊居楊
柳之村流水斷橋迴環老屋漁舟樵擔掩映閒門
同子貢之墻獨殊其富等顏淵之巷差比其貧菜
竹成墩名地青蘿滿壁風埽軒庭塵凝几席隨意琴
南何心研北可塞可通亦玄亦白或覓句而掉頭
或長吟而抱膝或據惠子之梧或蠟阮孚之屐禮
以簡而成踈性因慢而得適此鷦鷯一枝不知味

木之高下遊魚千里忘乎沼沚之寬窄者也有時
命良友設繩牀刈白薤炊黃粱摘淩芡牽菰蔣客
子高懷止談風月主人野趣魚話農桑追二子舊
遊不忘嵇呂成五君新詠敢斥山王斯則攬煙霞
而傲睨總泉石而平章時而春秋令序風日初晴
山妻治具少女調羹列繁花于前除侍嚴親於南
榮維時品評金石點綴盃鐺校量山史斟酌茶經
慶親顏之愉懌萃和氣於門庭顧循陔以采蘭輕
向闕以振纓守白華之絜白又烏知人世之馳逐
而經營而且庭草交翠鳶魚飛躍也天花秀曼解